

Pattattunik amigaateqarnermut
pissutaasut pillugit nalunaarut

Imarisaanut takussutissiaq

1. Aallarniut	2
2. Ilagiit pingarnertut aaqqissuussaanerat	3
2.1 Ilagiit aaqqissugaanerat.....	4
2.2 Pingarnertut piginnaasat agguarneri.....	4
2.3 Ilagiit aningasaqarnikkut ikiorneqarnerat	5
3. Oqaluffimmi nipilorsornermik ilinniartitaanermut inatsisitigut tunngavik taaguutillu atorneqartut	7
3.1 Pattattoq aamma Oqaluffimmi nipilsortartoq	7
3.2 Oqaluffimmi nipilorsornermik ilinniartitaanermut (pattattutut ilinniartitaaneq) inatsisitigut tunngavigisaq.....	8
3.3 Aningaasalersuineq	9
4. Maannakkut pissutsit	10
4.1. Ilinniagaqarnerup aaqqissugaanera	11
4.2 Ilinniarnerup nalaani ullormusiat, ajunngitsorsiassat sulinermilu annaasanut utertoorutit	13
4.3 Akissarsianut tunngasut	14
5 Ilungersunartut suliniutillu	15
5.1 Ilinniartitaanikkut aaqqissuusseqqinneaq.....	15
5.2 Nuutinik ilisimasaqarnissamik piumasaqaat	17
5.3 Ulloq naallugu atorfinitssinneqarnissamut periarfissat (akissarsianut tunngasut)	18
5.4 Nipilersuutinik immiussanik atuineq	21
6. Naggataarutaasumik oqaaseqaatit innersuussutillu	23
Innersuussutit	24

1. Aallarniut

Nassuaammi matumani siunertaq tassaavoq Ilagiinni pattattunik atorfinititsinerit amerlassusiisa ikinnerinut pissutaasut ilaannik misissuinissaq.

2022-mi upernaakkut ataatsimiinnermi inatsisartunit siunnersuut una Inatsisartuni suliarineqarpoq "Organistinik amigaateqarneq, suullu peqqutaanersut pillugit Naalakkersuisut UKA2023-mi agguassassamik nalunaarusioqqullugit Inatsisartut aalajangiiffigisassaattut siunnersuut, tassunga ilanngullugit akissarsianut tunngasut, ilinniartitsinkkullu neqeroorutaasinnaasut il.il. Qanoq iliornikkut amigaateqarneq qaangerniarneqarsinnaanersoq pillugu siunnersuutinik nassuaat imaqassalluni." Siunnersuut (UPA 2022/155) Inatsisartuni ilaasortamit Siverth K. Heilmannimit, Atassut saqqummiunneqarpoq.

Siunnersuutip aappassaaneernissaanut Ilinniartitaanermut, Kultureqarnermut, Ilisimatusarnermut Ilageeqarnermullu Ataatsimiitaliamit saqqummiunneqartumik isumaliutissiissummini Ataatsimiitaliamit Naalakkersuisunut kaammattutigineqarpoq isumaqatigiisummik isumaqatigiinniarnerit pillugit oqallinnerit nassuaammi annikitsuinnarmik ilaatinneqartut. Taarsiullugu nassuaammi sammisassat makku ilaatinneqassasut Ataatsimiitaliamit kaammattutigineqarpoq:

- Ilinniarnerup nalaani ilinniagaqarnersiuteqannginneq unammillernartoq
- Taaguutit oqaluffimmi nipilsortartoq aamma pattattoq nassuarneqassasut
- Pattattutut ulloq naallugu atorfekarnermut periarfissat nalunaarusiami ilanngullugit misissorneqassasut, kiisalu
- Oqaluffimmi sulineq eqqarsaatigalugu piareersarnermut piffissaq qanoq annertutigisoq atorneqartarnersup nassuarneqarnera

Siunnersuutip isikkumisut isikkoqarluni akuerineqarnissaa Naalakkersuisunit inassutigineqarpoq aalajangiiffigisassatullu siunnersuut Inatsisartunit ilaasortanit isumaqatigiisunit akuerineqarluni.

Tamatuma kingorna nassuaatip matuma suliarineqarnera Naalakkersuisunit aallartinneqarpoq ilaatigut maannakkut pissutsit ilungersunartullu nassuarneqarlutik. Tassunga atatillugu Ilagiinniit ilassutissanik Naalakkersuisut pissarsiniarsimapput.

2. Ilagiit pingaarnertut aaqqissuussaanerat

Kalaallit Nunaanni Namminersorlutik Oqartussaanerup ulloq 21. juni 2009-imi atuutilersinneqarneratigut piginnaatitsineq pillugu inatsit atorunnaarsinneqarpoq. Kalaallillu Nunaanni ilagiinnut inatsisitigut tunngaviusut tassaalerlutik inatsisit tunngaviusut ataqqillugit Inatsisartunit atulersinneqartut maannakkut malittarisassasut.

Ilaatigut kunngip nalunaarutaata peerneqarnerata kiisalu piginnaatitsineq pillugu inatsisip atorunnaarsinnerata ilagiit danskit naalagaaffiata tapersersugaata avataaniilerlutik ilagiit namminiilernerannik kinguneqarsimangilaq. Tassani pineqarput Danmarkimi ilagiit iluanni ilagiit imminnut aquttut. Tassa imaappoq ilagiit Inatsisartunit tamakkiisumik inatsisiornikkut inatsisiilorfigineqartut, tamanna naalagaaffiup tapersersugaata ilagiit ileqqisa aamma Inatsisini Tunngaviusuni sinaakkusiussat iluanni tamanna ingerlanneqarpat taamaalillunilu ilagiit naalagaaffiup tapersersugaanni ataatsimut nassuernermut tunngaviusumut naapertuulluni.

Inatsisini Tunngaviusumi § 4 aqqutigalugu Ilagiit naalagaaffillu ataqtigiippu. Ilagiit naalagaaffiullu akornanni (tamakkiisumik) avissaartoqarnissaanut Inatsisini Tunngaviusuni aalajangersakkamik taassuminnga allannguinissamik pisariaqartitsissaaq.

2010 sioqqullugu ilagiinni qitiusumik allaffissorneq taamanikkut Naalakkersuisut ataannut inissinneqarsimavoq, biskoppeqarfllu ilagiinni pissutsinik isumaginnilluni. Ilageeqarneq pillugu Inatsisartut inatsisaat nr. 9, 19. maj 2010-meersumi (Ilageeqarneq pillugu inatsit) Ilagiit aaqqissugaanikkut ilusaat nutaaq eqqunneqarpoq, tassa Kalaallit Nunaanni Biskoppi qitiusumik aqutsineq aamma Ilagiinnit aqutsineq maannakkut isumagilerlugin aamma provstnik, palasinik, ajoqinit ilagiillu sinniisuinik biskoppeqarfik nakkutilliisulluni, Naalakkersuisullu pingaarnertigut akisussaallutik. Suliassat agguernerini taamatut allannguinermut ilaatigut ilaapput ilagiinni ilinniartitaanertigut sullissineq, aaqqissuussineq aamma biskoppeqarfimmik provstnik, palasinik kiisalu ilagiinnik allaqtigittarneq nalinginnaasumik Biskoppimut tunniunneqarluni.

Suliassat agguernerisa allanngornerinut tunngavilersuut tassaasimavoq Ilagiit politikkikkut suliffeqarfittut eqqarsaatigineqannginnera aammalu taamaattussaanani. Namminersorlutik Oqartussat qitiusumik allaffitsigut aqutsinermit avissaarnikkut Ilagiinnut tunngasunut atorfillit ersarinnerusumik politikkikkut avissaanganerusumik nammineernerusumillu isikkoqalissapput. Anguniakkatut eqqarsaat taanna piviusunngortikkumallugu politikkikkut aaqqissugaanermut tunngatillugu Ilageeqarneq aalajangersimasunik killeqartariaqartoq isumagisariaqartoq Naalakkersuisut isumaqarput. Tamatuma saniatigut ukiut ingerlaneranni partiit arlallit oqaatigisarsimavaat Ilageeqarneq politikkeqarnerup avataani inisisimasutut isigineqalersinnagu suliniutissat ilagigaat allaffissornikkut oqartussaaffiit arlallit Biskoppeqarfimmut nuunneqassasut.

2.1 Ilagiit aaqqissugaanerat

Biskoppi tassavoq naalagaaffiup tapersersugaata ilagiinni qullersaasoq aamma Kalaallit Nunaata Biskoppeqarfia qitiusumik aqunneqarneranik allaffeqarfianillu isumaginnittoq.

Kalaallit Nunaata biskoppeqarfia provsteqarfinnut pingasunut agguarsimavoq, Kujataata, Qeqqata Avannaatalu provsteqarfia. Provsteqarfiiit ulluinnarni provstiminnit aqunneqarput. Qeqqanut Tunumullu provsti domprovstiuvooq aamma Biskoppimut sinniisussaalluni aamma kommunit aggarnerisa avataanni suliassaqarfinni ilagiinni suliassanik suliaqartuulluni.

Provsteqarfiiit palaseqarfinnut agguarsimapput tassaallutik illoqarfiiit taakkunani nunaqarfiiit. Provstit ilagiinnut allaffissornikkullu piginnaatitaapput aamma suliassarpasvuarnik isumaginnittuullutik, tassunga ilaatigut ilanngullugit sulisoqarneq aningasaqarnerlu.

Ulloq 1. maj 2023-mi Kalaallit Nunaanni palaseqarfiiit 17-iupput. Palaseqarfinni tamani ataatsimik arlalinnilluunniit palaseqarpoq. Ulloq 1. maj 2023-mi palasitut sulisut 21-iupput.

Kalaallit Nunaata ilageeqarnikkut sullinneqarneranut aamma ilaapput ajoqit, ulloq 1. maj 2023-mi sulisut 40-sut. Ajoqi ilagiinni suliassarpasuaqarpoq, taamaattorli katititsinissamut piginnaatitaanani, apersortitsinissamut periarfissaqarnani imaluunniit nerliiviliartitsinissamut akuerisaanani. Taakku saniatigut suli allat atuaasartut 21-it Ilagiinnut atassuteqarput.

Kalaallit Nunaanni oqaluffinnik aamma oqaluffinnik atuarfiusartunik sullissinermut aamma ilaapput pattattut ulloq 1. maj 2023-mi sulisuuusut 23-ullutik (kiisalu ataaseq sulinngiffeqarallaruni) kiisalu palaseqarfinni ikiorteqarluni, soorlu aamma sumiiffinni amerlanerni ilagiinni ilagiit sinnissaannik pilersitsisoqarsimasoq.

2.2 Pingarnertut piginnaasat agguarneri

Ilageeqarneq pillugu inatsimmi § 3 naapertorlugu Naalakkersuisut ilageeqarnermi pingarnertut akisussaasuupput, taakkulu pillugit aalajangersagassanik Biskoppi isumaqatiginninniarfigereeraanni aalajangersagaliorsinnaallutik.

Naalakkersuisut taamaalillutik Ilagiinnut tunngasunik inatsisiliormerk nassuiarnissaannillu suliassaqarput, aningaasanut inatsimmut naleqqiullugu pingarnertigut missingersuutinik aqutsisuullutik aamma suliassaqfimmi nalinginnaasumik periusissiamik politikkinillu ilusilersuisarlutik.

Biskoppip Ilagiit qitiusumik aqunneqarnerat allaffissornikkullu aqunneqarnerat biskoppeqarfiallu provstiinik, palasiinik ajoqiinillu ilagiinnik nakkutilliineq suliarisarai, tak. Ilageeqarneq pillugu inatsimmi § 6, imm. 1.

Ilageeqarneq pillugu inatsisip Kalaallit Nunaanni Ilageeqarnikkut ingerlatsinikkut immikkoortortaqarfik pilersissavaa, Biskoppi ilageeqarnerup iluani oqartussaasutut qullersatut

inissismalluni. Tamatumalu kinguneraa Biskoppip akisussaaffinni assigiinngitsuni nammeneq akisussaaffimmi iluaniittunut kaajallaasitanik ilitsersuutinillu suliaqarsinnaalernera kiisalu suliat kaajallaasitat ilitsersuutillu naapertornagit ingerlasunut uparuaasinnaalluni. Biskoppip aalajangigai Ilinniartitaanermut, Kultureqarnermut, Ilisimatusarnermut, Timersornermut Ilageeqarnermullu Naalakkersuisoqarfimmut naammagittaalliuutigineqarsinnaapput, tak. Ilageeqarneq pillugu inatsimmi § 28. imm. 3, taamaattorli annerusumik palaseqarnermut tunngasunik aalajangiinerit inatsisitigut sinaakkutai eqqarsaatigalugit taamaallaat misilinneqarsinnaallutik.

Inatsisinut tunngatillugu Ilageeqarneq pillugu inatsimmi § 3-mi aalajangerneqarpoq Biskoppimut isumaqtiginniarneq pereerpat inatsisiliorneq suliarineqartassasoq. Tamanna aalajangersagaavoq tunngavusoq ulluinnarnilu naapertuuttoq. Tunngaviusup tungaatigut Biskoppi qulakkeerutaassaaq inatsisiliorneq Ilageeqarnermut pisariaqarlunilu naapertuuttousoq. Ulluinnarni ingerlatsinermut tunngatillugu Biskoppi ilageeqarnerup iluani immikkut ilisimasaliuvoq tamatumunnga inatsisiliornermi takussaasussanik.

Ilagiit iluanni atorfinititsinerit eqqarsaatigalugit Naalakkersuisut Biskoppimik palasinillu atorfinititsillutilu soraarsitsisarput, ajoqinilli, pattattunik ilagiinnilu ikiortinik atorfinititsinerit Biskoppip ataaniillutik, tak. *Ilagiit sinnisaannut qinersisarnerit pillugit Namminersorlutik Oqartussat nalunaarutaat nr. 2, 23. januar 2013-imeersumi* § 26m:

§ 26m. Biskoppi Naalakkersuisut isumaqtiginninniarfigereerlugit Kalaallit Nunaanni ilagiit ataanni ilagiinni sulisunut allaffeqarfinnilu sulisunut atorfiit pilersinnissaat atorunnaarsinnissaallu pillugit aalajangersakkanik aalajangiissaaq.

Imm. 2. Biskoppip, palasimik atuagarsuarnik allattuisumik ilagiillu sinnisaannik tusarniaareernerup kingorna, ajoqinik organistinillu atorfinititsinissamut soraarsitsinissamullu provsttit piginnaatissinnaavai.

Imm. 3. Biskoppip, palasimik atuagarsuarnik allattuisumik ilagiillu sinnisaannik tusarniaareernerup kingorna, oqaluffinni ikiortinut, soorlu pedelit, eqqiaasut il.il., atorfinititsinissamut soraarsitsinissamullu provsttit piginnaatissinnaavai.

Imm. 4. Provsteqarfinni palaseqarfinnilu allaffinni allaffissornikkut sulisunik atorfinititsinissamut soraarsitsinissamullu provsttit biskoppip piginnaatissinnaavai.

Aalajangersagaq biskoppi, provsttit palasillu minillugit atorfinnut tamanut ingerlatsivittut Kalaallit Nunaanni Ilagiinnut atorfinititsinissamut pingarnertigut oqartussaatitsilerpoq, tak. § 6 tunngavusoq aamma §§ 26 f aamma 26 i. Biskoppilli, tak. § 26m, imm. 2 - 4, pisuni aalajangersimasuni piginnaatitsineq provstinut isumagisassanngortissinnaavaa.

2.3 Ilagiit aningasaqarnikkut ikiorneqarnerat

Upperisaqaqtiginnut allanut sanilliullugu ilageeqarneq immikkut inissismavoq, tassami inatsisini tunngaviusuni § 4-mi aalajangigaammat lutherikkuussuseq inuiaqatigiit upperisarigaat, taannalu

naalagaaffimmit tapersersugaasoq. Kalaallit Nunaanni llagiit tassaapput Naalagaaffeqatigiinni ilagiit naalagaaffimmit tapersersorneqartut ilaat, taamaattumillu Kalaallit Nunaanni namminersorlutik oqartussani oqartussat Kalaallit Nunaanni llagiit aningaasaqarnikkut allatigullu tunngaviusumik ikiornissaannut pisussaaffeqarlutik.

Tamanna piviusumik isumaqarpoq ukiut tamaasa aningaasanut inatsimmi Kontumi Pingaarnermi 40.97.03 llagiinni aamma Kontumi Pingaarnermi 40.92.14 Ajoqissanik organistinillu ilinniartitsinermut akissarsianut, ilinniartitaanernut il.il. matussutissanut Kalaallit Nunaanni llagiinnut aningaasaliissutit immikkoortinneqartarput.

3. Oqaluffimmi nipilorsornermik ilinniartitaanermut inatsisitigut tunngavik taaguutillu atorneqartut

Nassuaammi matumani Oqaluffimmi nipilorsornermik ilinniartitaanermut inatsisitigut tunngavik atuuttoq aallaavigineqarpoq, Ataaniittumi taaguutit atorneqartut aamma inatsit tunngavigineqartoq allaaserineqarput.

3.1 Pattattoq aamma Oqaluffimmi nipilsortartoq

Pattattutut/oqaluffimmi nipilsortutut ilinniartitaaneq inatsisini tunngavigineqartuni "pattattutut ilinniartitaanertut" taagorneqarpoq, tak. Ilageeqarneq pillugu Inatsisartut inatsisaanni nr. 9, 19. maj 2010-imeersumi kingusinnerusukkut allangortinneqartumi kapitali 6. 2017-imi ilinniartitaaneq ilinniarnermik aaqqissuussinermut nutaamut atatillugu allatut taaguuserneqarpoq "Oqaluffimmi nipilorsornermik ilinniartitaaneq". Ilinniarnermik aaqqissuussinerup nutaap suliarineranut tunuliaqutaasoq ilaatigut tassaavoq ilinniartitaanerup qaffassisusiata qaffannissaata kissaataanera taamaalillunilu pattattunut akissarsiat qaffannissaanut aamma periarfissiisoqarluni.

Ulluinnarni "pattattoq" aamma "oqaluffimmi nipilsortartoq" taarseraallugit atorneqarput. Nassuaammi taaguut "pattattoq" atorneqassaaq, tassa taanna inatsisini tunngavigineqartuni aamma pattattut ilinniartitaanerinut tunngasumi kaajallaasitami atorneqarmat.

Biskoppeqarfik aamma nassuaatip matuma suliarineranut atatillugu ilisimatitsivoq taaguutip "Oqaluffimmi nipilsortartoq" "Pattattoq erinarsoqatigiinnik aqtsisuusumut" allangortinneqarnissaa Ilagiit kissaatigaaat, tassa piviusumik taamatut ilinniartinneqarsimammata, aamma "oqaluffimmi nipilorsoneq" paatsuuinernut kinguneqartitsisimammat.

Ilagiinni sulineq

Nassuaammi ilagiinni sulinermi atorfinitstsinerit aamma ilagiinni sulinerunngitsumik atorfinitstsinerit akornanni immikkoortitsisoqarpoq. Ilagiinni sulinermi paasineqarpoq ivertinneqarsimaneq. Ajoqit taamaattumik oqaasertaatigut ilagiinni sulinngillat, kisiannili pineqarluni "taaguut tunuarsimaartoq", taamaattumillu ajoqit ilagiinni sulisutut isigineqarlutik. Tassunga atatillugu ilagiinni sulinermi atorfinitstsinermiipput biskoppitut, provstitut, palasitut ajoqitullu atorfiiit. Provstnik, palasinik ajoqinillu ilagiinni sulinermi nakkutilliinermi naalagaaffiup tapersersugaani ilagiinni nalunaarutitigut tunngaviinik, naalagiarnermut aaqqissuussinerit ritualillu ataqqineqarnissaat Biskoppip nakkutigissavai.

Pattattutut atorfik ilagiinni sulinermi atorfinitstsinerunngilaq.

3.2 Oqaluffimmi nipilorsorermik ilinniartitaanermut (pattattutut ilinniartitaaneq) inatsisitigut tunngavigisaq

Oqaluffimmi nipilorsorermik ilinniartitaaneq (matuma kingorna pattattutut ilinniartitaaneq) Ilageeqarneq pillugu Inatsisartut inatsisaat nr. 9, 19. maj 2010-meersukkut kingusinnerusukkut allanngortinnejartumi malittarisassaqartinneqarpoq.

Ilageeqarneq pillugu Inatsisartut inatsisaat nr. 9, 19. maj 2010-meersumi kapitali 6-imi kiisalu Ilageeqarneq pillugu Inatsisartut inatsisaannik allanngortitsineq pillugu Inatsisartut inatsisaat nr. 27, 3. december 2018-imeersumi (Ajoqinik aamma pattattunik ilinniartitaanernik aaqqissuussinerit aamma nipangiusimasassanik ilisimatseqatigiiffiusumik oqaaseqaatissanullu tunngasunik il.il. ataatsimiittarnerit) nr. 4-mi pattattunik ilinniartitaaneq pillugu malittarisassanik aalajangersaasoqarpoq.

Ilageeqarneq pillugu Inatsisartut inatsisaanni nr. 9-mi, 19. maj 2010-meersumi § 26, imm. 1-imi ima allassimasoqarpoq:

"Biskoppip isumagisaraa pattattunik ilinniartitsineq, piginnaaneqarfagalugu pattattutut kiffartornerup, allatigullu ilagiinni nipilorsorermi, matumanitaaq erinarsoqatigiinnik siulersuinermi, suliani piginnaasassanik ilinniartup pissarsisinneqarnissaanik siunertaqartoq. Ilinniartitaaneq illoqarfinni nunaqarfinnilu naalagiarnermi nipilsorteqarnerup siuarsaavagineqarneranut iluaqutaassaaq. Ilinniartitaanermi pingaarnersaavoq ilagiinni nipilorsornissamut tunngasut."

§ 26, imm. 1-imi aalajangersarneqarpoq pattattut ilinniartitaanerinkiisalu ilinniartitaanermi pingaarnertut siunertanik Biskoppi isumaginnissasoq. Ilinniarsimasutut pattattutut sulinissaq oqaluffimmilu nipilorsorermik allamik ingerlatsinissaq kiisalu naalagiarnermi ilagiittullu suliani allani pattattuunerup illoqarfinni nunaqarfinnilu siuarsarnissaa pingaartinneqarpoq.

Tamatuma saniatigut Ilageeqarneq pillugu Inatsisartut inatsisaannik allanngortitsineq pillugu Inatsisartut inatsisaat nr. 27, 3. december 2018-imeersumi (Ajoqinik aamma pattattunik ilinniartitaanernik aaqqissuussinerit aamma nipangiusimasassanik ilisimatseqatigiiffiusumik oqaaseqaatissanullu tunngasunik il.il. ataatsimiittarnerit) § 26, imm. 2-mit takuneqarsinnaavoq:

"Biskopip pattattunik ilinniartitsinermik aaqqissuussineq aalajangersartassavaa, ilinniakkamut isernissamut piumasaqaatit aamma ilinniakkap imai aamma annertussusia, kiisalu ilinniagaqarsimanermut allagartat. Biskopip ilinniakkamik aaqqissuussineq Naalakkersuisunut akuersissutigisassatut nassiuttassavaa."

Ilageeqarneq pillugu inatsimmi allannguutissat piareersarnerini Naalakkersuisut naliliisimapput suliassaqarfimmi malittarisassanik aalajangersaanissamut biskoppeqarfik oqartussani pitsaanerpaassasoq, tassa sunik pisariaqartitsisoqarnersoq tassani ilisimaneqarnerummat. Aammattaaq Ilageeqarneq pillugu Inatsisartut inatsisaat nr. 9, 19. maj 2010-meersumi §§ 25-mit

aamma 26-imit takuneqarsinnaareerluni ajoqissanik aamma pattattunik ilinniartitsineq biskoppip isumagisarigai, taamaattumik ilinniartitaanerit biskopimeereerlutik.

Ajoqissanik pattattunillu ilinniartitaanermut aaqqissuussinerit akuerisassangorlugit Naalakkersuisunut nassiunneqassapput, tassa piviusumik Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfimmut. Akuersinissamut siunertaq tassaavoq ilinniartitaanerit naammattumik qaffassisuseqartumik suliatigut pitsaassuseqarnissaasa qulakkeerneqarnissaa, aamma imarisai piumasarineqartullu eqqarsaatigalugit ilinniarnermik aaqqissuussinerut nalinginnaasumik piumasarineqartunik naammassinninersut. Aammattaq ilinniarnermik aaqqissuussinerit ilinniartitaanermi politikkikkut anguniakkanut qaqugukkulluunniit atuuttunut naapertuunneri naalakkersuisoqarfimmit qulakkeerneqartussaalluni.

Ajoqissanik pattattunillu ilinniartitsinernik malittarisassaqartitsineq siusinnerusukkut Namminersornerullutik Oqartussat nalunaarutaat nr. 15, 26. april 1985-imeersumit Kalaallit Nunaanni ajoqissat ilinniartitaanissaannut tunngasumit aamma Kalaallit Nunaanni organistit ilinniartitaasalernissaannik Namminersornerullutik Oqartussat nalunaarutaannit nr. 26, 1. december 1987-imeersumit malittarisassaqartinneqarpoq. Nalunaarutilli ullutsinnut naleqqukkunnaarsimapput, ilaatigut Ilagiit pillugit ataatsimiititaliaq atorunnaarsinneqarsimammat aamma biskoppip tullersortaata eqqaaneqarnera pissutigalugu. Tamatumma saniatigut inatsit tunngavigalugu ilinniarnermik aaqqissuussinernik nutaanik suliaqartoqarsimavoq, nalunaarutit pisariaqarunnaarlutik, taamaattumillu ulloq 1. januar 2019-imi taakku atorunnaarsinneqarlutik. Ilinniarnernik aaqqissuussinerit biskoppeqarfimmit pilersinneqartumit ilinniarneq pillugu ataatsimiititaliamit suliarineqarput, pissutsinilli pisariaqartunik malittarisassaliorlutik.

3.3 Aningaasalersuineq

Aningaasaliissutit 40.92.14 Ajoqissanik organistinillu ilinniartitsineq (ingerlatsinermut aningaasaliissut) Ilageeqarneq pillugu Inatsisartut inatsisaat nr. 9, 19. maj 2010-meersukkut, kingullermik Inatsisartut inatsisaatigut nr. 27, 3. december 2018-imeersukkut allanngortinneqartoq naapertorlugu akilerneqartarput.

Biskoppi, tak. Ilageeqarneq pillugu inatsimmi § 26, ajoqissanik ilinniartitaanermik kiisalu pattattunik ilinniartitsinermik isumagisaqarmat, Biskoppip aamma konto pingarneq 40.92.14-mik aqutsineq isumagisaa. Aningaasaliissutini siunertaq tassaavoq Kalaallit Nunaanni illoqarfiit nunaqarfiillu tamarmik naagliarnerni ilagiinnullu tunngasuni iliuuseqarnerni minnerpaamik ajoqimit pattattumillu ilinniarsimasumit sullinneqarnissaat.

4. Maannakkut pissutsit

Maannakkut pattattutut atorfiit 74-iupput. Ulloq 1. maj 2023-mi atorfinni sulisussarititaasunit 23-t inuttaqarput (pattattoq ataaseq sulinngiffeqarallartoq ilanngunnagu). Palaseqarfik Sisimiut aamma Palaseqarfik Nuuk palaseqarfinni kisiartaallutik pattattunik marlunniq atorfinitqaqqaput.

Illoqarfiiq nunaqarfiallu tamarmik aallaaviatigut ataatsimik aalajangersimasumik atorfiliimmik ajoqimik/atuasartumik ataatsimik qaammamusiaqartumik kiisalu pattattumik ataatsimik aalajangersimasumik atorfeqartumik qaammamusiaqartinnejartumillu sulisoqartussaapput. Sumiiffimmi ataatsimi assersuutigalugu ilinniarsimasunik arlalinnik ajoqeqlipat ataatsimik atorfinittoqarnissaanik toqqaasoqassaaq. Sumiiffinnili arlalinni ilagiit aalajangersimasumik atorfeqartitsinerup saniatigut taartaasartussamik peqarput. Taamaattoqarpoq aalajangersimasumik atorfeqartumik oqilisaasarnissaq siunertaralugu illoqarfinnilu annerni tamanna atorneqarnerulluni.

Nunami sumiiffinni amerlanerni pattattut amigaataapput, peqatigisaanillu ilinniartitaanermi peqataasut tigummiinnarnissaannut ajornartorsiuteqarneq Biskoppeqarfimmit misigineqarluni. Biskoppeqarfik ilisimatitsisimavoq ilinniartut amerlanertigut inuttut atukkat pissutigalugit ilinniarnermik unitsitsinermut pissutaasartut. Taakku saniatigut aamma ilinniartoqarpoq nangitsiffiusut aappaanni soraarummeernermermi angusisimanngitsunik.

2017-imi pattattutut ilinniartitaanerannik Biskoppeqarfik allannguivoq taamaalilluni annertunerulerluni nutaamillu taaguuteqalerluni; ilagiinni nipilersortartutut ilinniartitaaneq. Peqatigisaanik ilinniarnissamik isumaliuteqartut ilaatigut akornanni tunngaviusumik pikkorissarnermik Biskoppeqarfik pilersitsilluni. Pattattutut tunngaviusumik pikkorissarneq ilusilersorneqarpoq taamaalilluni nuutersornermik tunngaveqanngitsut soqtiginnittut qinnuteqarsinnaallutik sapaatillu akunneranik sivisussuseqarluni. Neqeroorut sammisami misileeqlaqarnertut paasineqartussaasimavoq aamma pattattutut ilinniarnissamut piareersarnertut isigineqarsinnaalluni. Pattattutut tunngaviusumik pikkorissarneq taamatut iluseqartillugu neqeroorutigineqartarunnaarpoq, Biskoppeqarfilli ilisimatitsisimalluni assingusumik isumaliuteqarsinnaallutik, tamatumali aningaasalersornissaanut aningaasassaqarnersoq apeqqutaassalluni.

Piffissami ukiuni qulini pattattutut ilinniartitaanermi tiguneqarsimasut naammassisimasullu amerlassusaannik takussutissiami takuneqarsinnaavoq ilinniarnermik soqtiginnittut allanngorpiarsimanngitsut, ilinniarnermilli naammassinnittut amerlassusaat ikileriarsimallutik, piffissaq 2017-2018 eqqaassanngikkaanni.

Ukioq	Tiguneqartut	Naammassillutik ilinniagaqarsimasut
2013-2014	15	6
2015-2016	?	1
2017-2018	9	7
2019-2020	12	4
2021-2022	12	3
2023-2024	11	-

2015-imi pattattunut ilinniarfimmi qassit aallartinnerannik paasissutissanik Biskoppeqarfik tunniussisinnaasimanngilaq. Biskoppeqarfiup aamma 2016-imi uparuarpaa pattattutut ilinniarnermi unitsitsiinnartut immikkut ittumik amerlasimasut taamaattumillu 2016-imi ilinniarnermik naammassisaqartoq ataasiinnaasimalluni.

Ukioq manna septembarimi aallartittumi pattattutut ilinniarnermik qinnuteqartut 22-usimapput, ilinniartunillu 22-nik tigusinissamut aningaasalersuinissamut periarfissaqanngimmat affaannai tiguneqarlutik.

4.1. Ilinniagaqarnerup aaqqissugaanera

Ilageeqarneq pillugu inatsimmi § 26 naapertorlugu ilinniarnermik aaqqissuussinermi ilinniarneq pillugu malittarisassanik Biskoppeqarfik aalajangersaasussaavoq. Ilaatigut tassaniissapput pikkorissarnerit pillugit ataatsimiititaliaq, tiguneqarnissamut piumasaqaatit aamma ilinniartitaanerup imaa annertussusaalu kiisalu ilinniagaqarsimanermut uppernarsaatit. Ilinniarnermik aaqqissuussineq akuerisassanngorlugu Naalakkersuisunut nassiunneqassaaq, piviusumik Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfimmut. Akuersinissamut siunertaq tassaavoq ilinniartitaanerit naammattumik qaffasissuseqartumik suliatigut pitsaassuseqarnissaasa qulakkeerneqarnissaa, aamma imarisai piumasarineqartullu eqqarsaatigalugit ilinniarnermik aaqqissuussinermut nalinginnaasumik piumasarineqartunik naammassinninnersut. Aammattaaq ilinniarnermik aaqqissuussinerit ilinniartitaanermi politikkikkut anguniakkanut qaqugukkulluunniit atuuttunut naapertuunneri naalakkersuisoqarfimmit qulakkeerneqartussaalluni.

Pattattutut ilinniartitaaneq pillugu ilinniarnermik aaqqissuussineq (Ilagiinni nipilersortartutut ilinniartitaaneq) 2017-imi atulersinneqarpoq tassaallunilu siusinnerusukkut pattattutut ilinniartitaanermik nutarterineq annertusineqarneralu. Siunertaq tassaasimavoq ullumikkut ilagiinnit piumasarineqartunut nutaalianut ilinniartitaanerup siunnerfeqalernera. Ilinniarnermik aaqqissuussinermi nutaami aallaqqaammut pattattutut ilinniartitaanerup imarisaanik allanguinissaq Biskoppeqarfimmit toqqarneqarpoq. Nalinginnaasumik pattattutut ilinniartitaanermik nutaamik ukiunik marlunnik sivisussuseqartumik pilersitsisoqarpoq,

piviusumillu tassaalluni pattattutut ilinniartitaaneq, ilinniartut atuartitsissutinik ilisimasqaalissallutik soorlu: niplersornerup atuagarsorfiunera, erinarsoqatigiinnik aqtsineq, isaatisinermi, unnersiutiginninnermi pattagiarsuarmillu niplersornermi atuartitsissutit saniatigut niplersugassiap immikkoortuanik ilinniarneq. Atuartitsissutini nutaani eqqarsaat tassaasimavoq ilinniartitaanerup annertunerulernissaa taamaalillunilu qinnuteqarsinnaasunut soqutiginarnerulersillugu. Ataatsimut isigalugu ilinniartitaanerup qaffassisusia qaffanneqarpoq. Tamanna kingornatigut isumaqatigiissutinik isumaqatigiinniarnernit takuneqarsinnaavoq pattattut akissarsiatigut qaffaavagineqarlutik.

Pattattutut ilinniartitaaneq nanginnejartussatut aaqqissuunneqarpoq ukiunillu marlunni sivisussuseqartussaalluni. Ilinniartitaanermiipput piffissat atuarfiusut suliffimmillu misiliiffiusut kiisalu sapaatit akunnerini marlunni atuartitsinerit, ilinniartut piffissami aalajangersimasumi takkuttassallutik.

Ilinniartitaaneq piffissap ilaannaani ilinniarnertut aaqqissuunneqarpoq, taamaalilluni ilinniartut saniatigut sulisinnaallutik ukiukkaartumillu qaammatip ataatsip missaanik sivisussuseqartumik tamakkiisumik atuartinneqarnermi peqataasussaallutik. Immikkoortup siulliup kingorna pattagissamik niplersornermi erinarsoqatigiinnillu aqtsinermi soraarummeerneq angusiffingeqartussaapput immikkoortup tullianut ingerlaqqinnginnermi.

Ilinniartitaanerup siunertaa tassaavoq ilinniagaqartut naalagiarnerni ilagiinnilu iliuuseqarnerni niplersornermik aqtsinermik erinarsoqatigiinnillu aqtsinermik isumagisaqalernissaannut piukkunnarsassallugit kiisalu ilagiinni niplersornikkut pattannikkut piginnaasaqarfiusussani ilagiinni ingerlatani allani peqataasinnaanissaq.

Ilinniartitaanermi anguniagaq tassaavoq pattanneq pingarnerutilugu pattassinnaaneq, niplersorsinnaaneq atuagarsornikkullu tunngaveqarluni pattattutut angusaqarsinnaaneq, aamma Kalaallit Nunaanni ilagiinni naalagaaffimmit tapersorsorneqartumi pattattutut sulilersinnaaneq.

Pattattutut ilinniartitaanermi allatsissinnaanermut pisinnaanissamut misilitsinneqarneq angusiffingeqassaaq nuutinillu atuarsinnaassalluni. Taakku saniatigut Kalaallit Nunaanni ilagiinni naalagaaffimmit tapersorsorneqartumi ilaasortaassaaq ilinniartitaanerullu aallartinnerani 21-nik ukioqalersimassalluni. Immikkut akuerineqarnissaq Biskoppeqarfimmi taamaattoq qinnutigineqarsinnaavoq.

Ilageeqarneq pillugu inatsimmi § 26 malillugu ilinniartitaanermi pingartinneqartoq tassaavoq ilagiinni niplersornikkut imaqarnera, taamaattumillu pattagiarsorsinnaaneq atuartitsissutini amerlanerpaamik atuartitsinermi tiimeqarfiulluni. Ilinniagaqartut ataatsimoortillugit ataasiakkhaarlugillu atuartinneqartarput.

Ilinniarnerup aaqqissugaanera tiimillu amerlassusiinut takussutissiaq imatut isikkoqarpoq:

- Pattagiarnaq soraarummeerfiusoq (ukioq siullermi: atuartitsinerit 95-it, ukiut appaanni: atuartitsinerit 94-it)
- Erinarsoqatigiinnik aqtsineq soraarummeerfiusoq (ukioq siulleq: atuartitsinerit 12, ukiut appaanni: atuartitsinerit 12-it)
- Nipilersorneq atuagarsorfiusoq (ukioq siulleq: atuartitsinerit 20-it)
- Tusarnaagassianik ilinniarneq (ukioq siulleq: atuartitsinerit qulit, ukiut appaanni: atuartitsinerit aqqaneq marluk)
- Nipilersugassiap immikkoortuinik ilinniarneq (ukioq siulleq: atuartitsinerit arfineq pingasut, ukiut appaanni: atuartitsinerit arfineq pingasut)
- Isaatitsisarneq (ukiut appaanni: atuartitsinerit arfineq pingasut)
- Unnersutiginninneq (ukiut appaanni: atuartitsinerit arfineq pingasut)

Ilinniartitaanerup nalaani najugaqarfisaminni pattattumut taartitut ikuunnissamut ilinniartut periarfissaqarput, taamaaliornikkut naalagiarnerniit ilagiinnilu iliuuseqarnerniit sungiusarsinnaallutik misilittagaqalersinnaallutillu.

Tamatuma saniatigut Biskoppeqarfik ilisimatitsivoq ilinniartut kiisalu pattattutut atorfegartut tusaaniarnissaat sillimaffigineqartoq. Assersuutgalugu ilinniarnerup ingerlannerata naammassisqaqnerit tamaasa kingorna ilinniarnermik aaqqissuussinermik naliersuisoqartarpoq.

Pattattutut ilinniartitaaneq pikkorissarnermik ingerlasutut isigineqarpoq, taamaattumillu ilinniagaqarnersutisisarnissaq ajornarluni imaluunniit ingerlannerata nalaani ilinniartut ineqarfiani inissiamik tunineqarsinnaananani.

4.2 Ilinniarnerup nalaani ullormusiat, ajunngitsorsiassat sulinermilu annaasanut utertoorutit

Ilinniarnermik aaqqissuussinermut atasumik Biskoppi imatut ittumik kaajallaasitaliorsimavoq: *Ajoqissatut pattattutullu ilinniartitaanerup nalaani atuartunut ullormusiat, ajunngitsorsiassat sulinermilu annaasanut utertoorutit pillugit Biskoppip kaajallaasitaa nr. 3.* Kaajallaasitaq ilaatigut pattattutut ilinniartitaanermi ilinniartunut ullormusianik sulinermi annaasanut naleqqiullugu ilitsersuivoq.

Ilinniartitaanermi immikkoortut nalaanni ilinniarfik nerisaqartitsivoq. Assartuinermut atatillugu nerisaqarnermut aningaasartuutit, allatigut matussuserneqanngitsut, ilinniarfimmit aamma utertinneqartarput. Taamaattorli kissartutorluni nerinernik pingasunut annerpaamik aningaasaliiffigineqarluni. Tamatuma saniatigut ilinniarnermi immikkoortunut siumut utimullu assartuineq ilinniarfiup isumagisarlugu. Tassunga tapitut ullormusiaqartitsisoqartarpoq.

Ilinniarnermi immikkoortuni peqataanermut atatillugu sulinermit annasaqarsimanermit uppernarsaasinnasunut ilinniartunut taakku pillugit utertoorsinnaapput.

Biskoppip kaajallaasitaani § 8-mit aamma takuneqarsinnaavoq kaajallaasitaq malillugu pisartagaqarnissamut immikkoortuni ataasiakkaani atuartitsinerup minnerpaamik 85 %-iani ilinniartut peqataasimassasut.

4.3 Akissarsianut tunngasut

Pattattutut sulineq tassaavoq piffissap ilaannaani atorfik, tassa ulloq naallugu atorfeqartutut sulinissamut sulinermi sumiiffinni amerlanerni tiimit naammanngimmata.

Pattattut pillugit isumaqatigiissut tassaavoq ajoqit peqatigalugit sulinermut isumaqatigiissut SIK-p ataaniittooq. Isumaqatigiissummik nutaamik suli isumaqatigiissusiortoqanngimmata nassuaammi matumanri 2018-2022-mut atuuttoq isumaqatigiissut aallaavagineqarpoq. Isumaqatigiinniarnerni kingullerni ajoqinut pattattunullu tunngasuni pattattunut ilinniarsimasunut akissarsiatiqut qaffaasoqarpoq, pattattunik amigaateqarnerup peersinnissaanut sakkut ilaattut.

Isumaqatigiissummi § 3-mit takuneqarsinnaavoq isumaqatigiissut naapertorlugu atorfeqartunut ukiumut tunngavigisaq ukiumut 900 tiiminut aalajangersarneqarsimasoq qaammammullu piffissamik naatsorsuineq tassaalluni 80 tiimit. Sulinerup nalinginnaap avataatigut sulinermut tunngatillugu, tak. § 2, imm. 1, 5 aamma 7, peqqussutaasoq qaangiuttoornertullu aqunneqartoq akunnermusiamut tapitut akilerneqassaaq. Tapi nalunaaquttap akunnerinut tamanut atuutumik akunnermusiap 50%-ianik annertussuseqarpoq.

Pattattunut/ilagiinni nipilersortartunut ilinniarsimasunut qaammammut akigititaq ulloq 1. april 2021-mi ataatsimut isigalugu 9326,12 koruuninik annertussuseqarpoq.

Taakku saniatigut qaammat ataaseq inorlugu sivisussuseqartumik taartaasunut ilagiinni iliuuseqarnerni taartaasoqartillugu taartaasunut akigititassat isumaqatigiissutigineqarsimapput.

5 Ilungersunartut sulinutillu

Ilisimaneqarluarpoq pattattutut ilinniartitaanerni ilinniartussat pilerisutsilernissaannut kiisalu ilinniarnerup nalaani ilinniagaqaannarnissaannut kingornalu pattattutut atorfinitssinnissaannut ilungersunartoqarpoq. Ilagiinnii ilanngussat aamma Naalakkersuisunut saaffiginnissutit aallaavigalugit Naalakkersuisunit taakku imatut ikilineqarput ilungersunartut uku amerlanertigut qaqinneqartarlutik:

- Ilinniartitaanerup ilusaa, tassunga aamma ilanngullugu ilinniagaqarnersiuteqarnissamut periarfissat
- Nuutinik ilisimasaqarnissaq pillugu piumasaqaat
- Ulloq naallugu atorfeqarnissamut periarfissaq (tassunga ilanngullugit aamma akissarsianut tunngasut)
- Suliamut soqtiginnikkunnaarneq

5.1 Ilinniartitaanikkut aaqqissuusseqqinnej

Pattattut Ilagiit iluanni pingaerateqarluinnarpot, ilinniartitaanerlu taamaattumik Kalaallit Nunaanni ilagiit sullinneqarnerinut sulinermut attuumassuteqarluni. Ilinniartitaanerli utaqqiisaagallartumik aaqqissuussaagallarpasippoq, tassa ilinniartitaaneq sivikitsuararsummat pikkorissarnernillu kipitinneqarsimasunik tunngavigalugit. Atuartitsinerni immikkoortut tamarmik qaammatip ataatsip missaanik sivissussuseqarput, ilinniartut illoqarfisaminniit/nunaqarfisaminniit qimagussimassallutik. Biskoppeqarfik ilisimatitsisimavoq ilinniartut ilai tamanna ilaqtuttaminnut suliffimminkullu naleqqiullugu ilungersunartutut misigisimagaat.

Ilinniartitaanermut tunngasuni nalinginnaasumik ilisimaneqarluarpoq ilinniartitaanermut atatillugu illoqarfisamiit/nunaqarfisamiit aallartariaqartarneq. Taamaattorli pattattutut ilinniartitaanermut allaassutaavoq piffissami sivikitsumi qaammammi ataatsimi sakkortuumik atuartitsinerup aamma ilinniagaqartup illoqarfisanaani/nunaqarfisanaani suliffimmik misiliinerit akornanni nikerarfiunera. Iluseq taamaattoq ilinniagaqarnerup ingerlanerata annersaani ilinniartup angerlarsimaannarnissaanut periarfissiivoq. Tamatuma saniatigut sulinermi annasaqarnermut taarsiisoqartarluni takuuq immikkoortoq 4.2.

Ilinniartitaanerup allatut aaqqissuunnissaanut periarfissaqanngilaq, tassa ungasianiit atuartitsinertut tulluanngimmat, immikkoortullu atuartitsineri ingerlanerisa ataqtiginnerunissai eqqarsaatigalugit sivikinnerusumik ingerlanneqarsinnaanatik. Tamatuma saniatigut immikkoortut maannakkut marluusunut taarsiullugu assersuutigalugu sivikinnerusunut atuartitsinerni immikkoortunut sisamanut agguarneqassagaluarpata ilinniartunik atuartitsisunillu assartuinermut atasut aningaasartuutit malunnaatilimmik qaffassallutik.

Ilinniartitaanerup nalaani ilinniagaqarnersiutit

Immikkoortoq 4.2-mit takuneqarsinnaavoq pattattutut ilinniartitaanermi ilinniartut ukiuni marlunni pikkorissarnertut ilinniartitaanerup aaqqissugaanerani ilinniarnerup nalaani ullormusiaqartut, ajungitsorsiaqartut aamma sulinermi annaasaqarnermut taarsiiffigineqartartut.

Ajoqissatut pattattutullu ilinniartitaanerup nalaani atuartunut ullormusiat, ajungitsorsiassat sulinermilu annaasanut utertoorutit pillugit Biskoppip kaajallaasitaani nr. 3-mi 10. april 2011-imeersumi § 2-mit takuneqarsinnaavoq ilinniartitaanerit ingerlaavartumik ilinniagaqarnersiuteqarnissamut periarfissiinngitsut.

Arlallilli oqaatigisimavaat *Ilinniagaqarnersiutit pillugit Inatsisartut inatsisaat nr. 12, 22. november 2011-imeersumi* aalajangersarneqartut malittarisassat malillugit ilinniagaqarnersiuteqarnissaq kissaatigineqartuusoq.

Ilinniartitaanerit suut ilinniagaqarnersiuteqarfiusinnaanerat pillugu malittarisassat *Ilinniagaqarnersiutit pillugit Inatsisartut inatsisaat nr. 12, 22. november 2011-imeersumi Inatsisartut inatsisaatigut nr. 16, 6. juni 2016-imeersukkut (Ilinniagaqarnersiutit pillugit inatsit) allangortinneqartumi aalajangersarneqarsimapput.* Tassunga atatillugu ilinniagaqarnersiutit pillugit inatsimmi §§ 6 aamma 7-imit takuneqarsinnaavoq ilinniartitaanivinnut taamaallaat ilinniagaqarnersiuteqartitsisoqarsinnaasoq, tassa imaappoq ilinniarnissamut piareersarnernut, inuussutissarsiuutitigut tunngavismik ilinniartitaanernut imaluunniit ilinniartitaanernut ingerlaqqiffiusunut taamaalillunilu pikkorissarnernuunngitsoq.

Inatsimmut nassuaatini takuneqarsinnaavoq taaguut "ilinniartitaanerit" eqqarsaatigalugu imatut paasineqassasoq aaqqissuussaasumik ilikkagaqariartorneq universitetini, atuarfinni ilinniarfinniluunniit assingusuni nunap ilinniagaqarnermut aaqqissuussinerani naammassinninnissamut piumasaqataasut, amerlanertigullu pisortanit akuerineqartumik soraarummeernermik naammassineqartartut, soorlu aamma ilinniartitaaneq ilinniartumut piumasarineqartunik piukkunnaateqartitsilersimassasoq.

Pattattutut ilinniartitaaneq tassaavoq ilinniartitaaneq immikkoortunut ilusilersugaalluni aaqqissuunneqarsimasoq. Aamma ilinniartitaanermik allaaserisaniiit toqqaannartumik takuneqarsinnaavoq pikkorissarneq pineqartoq, tamannalu piffissaq tamakkerlugu ilinniarnerup pineqannginneranik ikorfartorneqarluni. Tamanna tunuliaqtutaralugu pattattutut ilinniartitaanermi ilinniartut ilinniagaqarnersiuteqalernissaannut periarfissaqanngilaq.

Ilinniagaqartut taamaalillutik ilinniartut ineqarfiini inissianut aamma qinnuteqarsinnaanngillat.

Ilinniagaqarnersiutit pillugit inatsimmit takuneqarsinnaasunut periarfissanut periarfissaqalernissaamut piumasarineqarpoq ilinniartitaanerup Ilinniagaqarnersiutit pillugit inatsimmi piumasaqaaatinik naammassinnissaa, tassunga ilanngullugit pingaartumik ilinniartitaanerit ilinniagaqarnersiuteqarsinnaatitaasut pillugit malittarisassat. Taamaattumik

pattattutut ilinniartitaanermi ilinniagaqarnersiuteqalersinnaanermut ilinniartitaaneq nammineq imaluunniit ilinniagaqarnersiutit pillugit inatsisip allanngortinnissaa pisariaqassaaq.

Tassunga atatillugu Biskoppeqarfik oqarsimavoq ilinniagaqarnersiuteqalernissaq pillugu kissaateqarnermut tapersersuisinnaallutik, taamaalilluni ilinniagaqartut Biskoppeqarfiup aqtai aningaasaliissutit avaqqullugit ilinniagaqarnersiuteqalersinnaalerlutik.

Tassunga atatillugu Naalakkersuisunit malugeqquneqarpoq ilinniagaqarnersiutit pillugit inatsisini tunngaviit aalajangiisuusut ilaat tassaammat piffissaq tamakkerlugu ilinniartitaanernut taamaallaat ilinniagaqarnersiuteqartitsisoqarsinnaanera. Inuit pikkorissarnerni piffissallu ilaannaani ilinniarnerni ilinniarnermik ingerlataqartut sulifimmik nassaarnissamut periarfissaqartutut isigineqarneri tunngavigalugit inatsit isigineqassammat. Ilinniagaqarnersiutit pillugit inatsimmut nassuaatinit aamma takuneqarsinnaavoq pikkorissartitsinermi peqataanissamut ilinniagaqarnersiuteqarsinnaanngitsoq.

5.2 Nuutinik ilisimasaqarnissamik piumasaqaat

Nuutinik atuaanissamut ilisimasaqarneq ilinniartitaanermi akuerineqarnissamut piumasaqaataanera aamma piumasaqaatip taassuma ilinniartitaanermi qinnuteqarsinnaasunik tunuarsimaartitsisinnaanera siusinnerusukkut isornartorsiorneqarsimavoq. Massakkut nuutinik ilisimasaqarnissaq piumasaqaataavoq, tassa ilinniarneq taamaallaat ilinniartunik ilisimasaqareersunik naapitsinissamut taamaallaat aningaasalersugaammat. Piumasaqaatip eqqortinneqarnera pattattutut ilinniarnissamut qinnuteqartunit atsiukkamik najukkami palasip pissarsineratigut qulakkeerneqartarpoq. Tunngaviusumik nuutinik ilinniarnissaq ilinniartitsinermut ilaaniarpal ilinniarneq sivisunerullunilu akisunerulersussaassaaq. Nuutinik ilinniarneq ilaatinneqarluni ilinniarnermik aaqqissuussinissamut periarfissat kiisalu ilinniarnermik aaqqissuussinerup taamatut allanngortinnerata aningaasaqarnikkut kingunissaanik oqallisigininnissaq siunertaralugu Naalakkersuisut 2017-imi Biskoppeqarfimmut atassuteqarput. Biskoppeqarfik taamanikkut naliliivoq 15-inik ilinniartoqarluni nuutinik ilinniartitsilluni pikkorissarnermik imaqartumik ilinniarnermik aaqqissuussinermik allannguineq pattattutut ilinniartitaanermut maannakkut sinaakkusiussat iluanni ajornassasoq.

Biskoppeqarfilli 2017-imi pattattutut tunngaviusumik pikkorissarnermik pilersitsinialluni misiliivoq. Tunngaviusumik pikkorissarneq pillugu ilinniarnermik aaqqissuussinermik takuneqarsinnaavoq pattattutut tunngaviusumik pikkorissarneq nammineq provsteqarfigisami sapaatip akunneranik ataatsimik sivissuseqartumik sivikitsumik pikkorissarnerusoq nanginnejqarsinnaasoq. Pikkorissarnermi peqataasut atuartitsissutini tunngaviusuni aallartitsinneqarput, nipilsortartut pattagiarlutik naalagiarnerni nipilernikkut ingalluisinnaanngorlugit sungiusartinneqarlutik.

Pikkorissarnermi siunertaq tassaasimavoq siunissami pattattutut ilinniartitaanermi qinnuteqartussanut tunngaveqartitsinkut pattattunik amigaateqarnermut iluaqutaasinnaanera.

Peqataanissamut tunngavagineqarsimavoq pikkorissarnerup kingorna Kalaallit Nunaanni ilagiinni pattattutut imaluunniit pattattumut taartitut peqataarusussinnaaneq. Pattattutut pikkorissarneq atuartitsissutinik ukuninga tunngaveqarpoq:

- Pattagiarneq soraarummeernertalik (atuartitsinerit 25-it)
- Nipilersornermi atuagarsorneq (atuartitsinerit tallimat)
- Tusarnaagassianik ilinniarneq (atuartitsinerit pingasut)
- Nipilergassiaq ilaani ilinniarneq (atuartitsinerit pingasut)
- Isaatitsineq (atuartitsinerit sisamat)

Biskoppeqarfik aamma pattattunik amigaateqarneq annikillisinniarlugu Palaseqarfik Uummanni, Palaseqarfik Qaanaami aamma Palaseqarfik Ilulissani pattattutut sulinermik inunnut soqtigisaqartunut immikkut pikkorissartitsinernik misiliisimavoq.

Biskoppeqarfik tamatuma saniatigut ilisimatitsivoq ilinniartussanik kingullermi tigusinermi nuutinik ilisimasaqariinnngitsunik ilinniartussanik tigusinissamik misiliisimallutik. Ajoraluartumilli amerlanersaat taamaatiinnarput. Ukumi ataatsimi pattattutut naammassillutik ilinniarsimasunit pingasunit ataaseq nuutinik annertunerusumik ilisimasaqarnani aallartissimavoq.

Piffissami maannakkut pattattutut tunngaviusumik pikkorissartitsinerit imaluunniit immikkut pikkorissartitsinerit neqeroorutigineqarneq ajorput, Biskoppeqarfilli ilisimatitsilluni neqeroorutigeqqinnissai isumaliutigalugit.

Maannakkut ilinniarnermik aaqqissuussinermik siunissami allannguineremi isumaliutigineqartariaqarpoq nuutinik ilisimasaqarnissamik piumasaqaat piviusorsiortuunersoq, piviusoq tassaappat illoqarfinni nunaqarfinnilu amerlanerni ilinniartitaanerup aallartinnginnerani nuutinik ilinniarnissamut periarfissaqanngitsoq. Tassani Biskoppeqarfik iluaqutaasumik nuutinik ilinniarneq pillugu tunngaviulluinnartunik ilinniartunngortussanik sumiiffinni pineqartunik nuutinik ilisimasaqartup atuartisisinnaaneranik periarfissanik misissuisinnaavoq.

Biskoppeqarfik nassuaammut ilassuteqarnermi saniatigut malugeqqusimavaa immikkut pikkorissartitsinermik, pattattunut tunngaviusumik pikkorissartitsinermik aamma sumiiffinni nuutinik ilisimasaqartunik atuinermik siunnersuutit piviusunngortinneqassappata pisariaqartoq ilinniartitaanermut aningaasanik amerlanerusunik immikkoortitsisoqarnissaa.

5.3 Ulloq naallugu atorfinitssineqarnissamut periarfissat (akissarsianut tunngasut)

Ulloq naallugu atorfinitssineqarnissamut periarfissaq arlaleriarluni qaquinneqartarsimavoq, aamma politikkikkut. Pattattutut atorfik tassaavoq ullup ilaannaani atorfiusoq taannalu malillugu akissarsiaqarfiulluni. Isumaqatigiissut atuuttoq malillugu atorfearnermut ukiumut tunngaviusut tassaapput 900 tiimit, tassa qaammammut 80 tiimit. Tassunga atatillugu Biskoppeqarfik ilisimatitsivoq naalagiarnernut ilagiinnilu iliuuseqarnernut piareersarnermi piffissamik atuineq 3

tiimit immikkoortinnejarsimasut. Pattattunulli ataasiakkaanut suliassat artukkiinerni annertoorujussuarmik assigiinngitsoqarpoq, apeqqutaallu nunap sortaani inissisimaneq. Assersuutigalugu Palaseqarfik Nuummi aamma Palaseqarfik Sisimiuni suliassat sumiiffinnit allanit annertunerujussuupput.

Maannakkut piffissami pattattoq ataasiinnaq ulloq naallugu atorfekarpoq, tassa pineqartoq pattattutut ilinniarfimmi aamma ilinniarfimmi aqutsisummat. Biskoppeqarfik ilisimatitsisimavoq sumiiffinni amerlanerni ulloq naallugu atorfekartunut pattattunut suliassat naammassangitsut. Tamanna pisinnaassappat pattattutut atorfimmut suliassat allat eqqarsaatigineqassapput assersuutigalugu ilagiinni isumaginnikkut peqqinnissakkullu sulineq, niplersornermik ilinniarfik/niplersornernik aaqqissuussinherit il.il. Ilagiinni suliassat allat pattattutut sulinermut ilaassappata tamanna ilinniarnermik aaqqissuussinermut ilanngunneqassaaq aamma isumaqatigiissutinik isumaqatigiinniarnerni tulliuttuni ilanngunneqarluni.

Ajoqitut pattattutullu atorfinititsinerit

Ajoqitut pattattutullu atorfinititsinerup qanoq attanneqarsinnaanera pillugu apeqqut siusinnerusukkut siunnersuutigineqarsimavoq ajoqitut imaluunniit pattattutut sulineq, akissarsiaqarnikkut, taamaalilluni pilerinarnerusinnaanera tunngavilersuutigalugu.

Ilagiinnut tunngasunik allaffissornikkut aqtsinerup Biskoppeqarfimmut 2010-mi tunniunneqarnerani llageeqarnerup iluani atorfinititsinermut tunngasut assigiinngitsut misissorneqarput, tassunga ilangullugu ajoqinut ilinniarsimanngitsunut, ajoqinut taartaasartunut pattattunullu akissarsiat pillugit Naalakkersuisut aamma S.I.K-p akornanni isumaqatigiissut.

Tassani Biskoppeqarfimmit maluginiarneqarpoq sumiiffinni arlalinni ajoqit ajoqitut pattattutullu akissarsiaqartinneqarsimasut taamaalillutillu pingaarnertut marlunnik atorfinititsinneqarsimallutik. Naalakkersuisut Ilagiinnilu paasinninneq tassaavoq tamanna ajoqitut sulinermut nalinginnaasumik atorfiup paasineqarnissaanut ataqtigiissinneqarsinnaanngitsoq. Ajoqi aalajangersimasumik atorfekartoq aamma pattattoq aalajangersimasumik atorfekartoq nalunaaquattap akunnerini 20-ni sulisussaatitaasutut atorfekartitaapput. Ilagiinnut tunngatillugu ajoqitut atorfekangngikkaanni organistitut atorfekartoqartarpoq. Ajoqitut atorfik upperisarsiornermut attuumassuteqarpoq immikkut pissuserissaarnissamut piumasaqaatalik, immikkut ittumik nipangiussisussaatitaanermik ilalik, assersuutigalugulu eqqartuussisarnermik inatsimmi ilisimannittunik immikkut illersuisarnermut tunngatillugu. Pissutsit tamakku pattattutut sulinermut ilaanngillat.

Taamaattumik Aningaasaqarnermut Sulisoqarnermullu Aqutsisoqarfimmut saaffiginnittoqarpoq piffissami siullermi isumaqatigiissutip atuuttup isumaqatiginninniutigeqqinnissaa siunertaralugu.

Ilaatigut isumaqatigiissummi pingaarnertut atorfinitisinneqarfiusut immikkoortut akornanni pissutsit erseqqissarneqarnissaat siunertaralugu.

Eqqaaneqartutut pingaarnertut marlunnik atorfeqartoqarsinnaanngilaq. Ajoqit/pattattut taarsiullugu ajoqitut/pattattutut sulinerminnut taartitut tapisiaqarsinnaapput imaluunniit immikkut inuttut piginnaasaqarnikkut tapisiaqarlutik kiisalu ajoqi/pattattoq ajoqitut/pattattutut sulinerni tamani tapisiaqartinneqarluni.

Qulaani allassimasup suleriaatsip allanngortinneranut atatillugu ajornartorsiut pillugu Biskoppeqarfik ajoqit aamma pattattut peqatigiiffiannut malugeqqusivoq. Peqatigiiffik tassunga oqaaseqaateqarsimangilaq aamma aalajangiineq pillugu naammagittaalliuuteqarnani. Ajoqit aamma pattattut atorfinitisinneqarnerinut suleriaatsit nutaat eqqunneqarnerisa kingorna ikittuararsuarnik saaffiginnitoqarsimavoq, taakkullu akornanni soraarnertaqarsimanani. Taamaattumik Naalakkersuisut Ilagiillu naliliipput taamanikkut nutaamik periutsimik annertuumik naammaginnitoqarsimangitsoq.

Tamatuma saniatigut tamatumunnga soqutiginnittunut periarfissatut pattattutut ilinniartitaaneq ajoqitut ilinniartitaanermut ilangunneqarsinnaanersoq siusinnerusukkut apeqqutigineqarsimavoq. Tassunga Biskoppeqarfik ilisimatitsivoq piffissakkut isumalluuteqarnikkullu peqquteqartumik takorloorneqarsinnaanngitsoq ajoqitut ilinniartitaanermi atuartitsineq annertusineqarsinnaasoq aamma pattattutut ilinniartitaaneq ilaatinneqalerluni.

Isumaqatigiissutit:

Immikkoortoq 4.3-mi eqqaaneqartutut pattattunut isumaqatigiissut aamma ajoqinut isumaqatigiissut SIK-p ataaniipput. Naalakkersuisut nassuaammut matumunnga atatillugu kingullermik isumaqatigiissummik isumaqatigiinniarnermi peqataasumiit peqatigiiffimmut sinniisumut atassuteqarsimapput. Naalakkersuisunit paasinninneq tassaavoq ajoqit pattattullu peqatigiiffiat ukiorpassuit kingulliit ingerlaneranni siulersuisoqarsimangitsoq, taamaalillunilu peqatigiiffittut ingerlasutut sulisimanani. Taamaattorli ajoqinut pattattunullu tunngasuni isumaqatigiinniarnerni kingullerni pattattutut ilinniarsimasunut akissarsiatigut qaffaasoqarnissaa pillugu isumaqatigiissusiortoqarpoq, pattattunik amigaateqarnerup peerneqarnissaanut sakkut ilaattut.

Pattattutut sulinissap toqbarneqartannginneranut tunngavilersuutit ilaattut atorneqartartoq tassaavoq akissarsiat inuussutigineqarsinnaannginneri. Naalakkersuisut tessani malugeqquaat tessani pineqarmat pikkorissarnikkut ilinniartitaaneq, ullup ilaannaani atorfittut immikkoortinnejartumik atorfinititsinermut periarfissiisoq. Taamaattumik pattattutut pissariineqarsinnaasut akissarsiat taakku kisiisa inuussutiginissaat naatsorsuutigineqanngilaq, kisiannili isertitanik allanik taperneqassasut. Tassunga eqqaaneqassaaq, qulaani

allaaserineqartutut, taamaattoq sumiiffimmi ajoqitut sulinerup isumagineranut taartitut tapisiaqarnissamut periarfissaqartoq.

Atorfiup ullup ilaannaanut atorfiuneranut atassuteqartut ajornartorsiutit ilaat tassaavoq pattattut nunaqarfinni peqataallutik allamik suliaqarnermiit sulinermi annaasaqarnermut taarsivigineqarnissamut periarfissaqannginnerat. Pattattut taamaattumik llagiinnut ikuunnerminni allatigut isertitamit ilaannik annaasaqarsinnaapput.

Naalakkersuisut naliliippus peqatigiiffik sulisoq aaqqissugaasimasorlu aqqutigalugu ilinniartitaanerup ingerlarnga, sulinermi suliassat aamma akissarsiatigut pissutsit pillugit Biskoppeqarfimmut aamma isumaqatigiissutinik isumaqatigiinniarnerni isumaqatigiinniarnerni peqataasinnaatitaasunut nukittunerusumik pattattut inisisimalersinnaasut.

Naalakkersuisut taamaattumik inassutigaat llagiit ajoqit pattattullu peqatigiiffiat peqatigalugu pattattut suliffigisaasa annertusinissaanut periarfissanik taamaalillunilu tullianik isumaqatigiissummik isumaqatigiinniarnerni akissarsiat qaffannissaannut periarfissanik misissuissasut.

5.4 Nipilersuutinik immiussanik atuineq

Naalagiariiusinnaasut sumiiffiit 74-iutillugit sumiiffiit tamarmik, naalagiarnerni ilagiinnilu iliuuserisani nipilersorluni ingiordeqarnerinik qulakkeerisinnaasunik pattatumik sullivigineqarnerisa qulakkeerneqarnissaa ilungersunarpoq. Taamaattumik nipilersornermi ingiordeqarnerup qulakkeerneranut naleqqiullugu aaqqiissutissanik allanik misissuinissaq aamma tulluarpoq. Pattagiarsornermik immiussamik atuinissamut periarfissaq taamaattumik siusinnerusukkut politikkikkut aamma ilagiinni oqallisigineqartarsimavoq.

Tussiuitit tamaasa kiisalu isaatitsinerit aniatitsissutillu immiunnerisigut aningaasaqarnikkut kingunissaasa saniatigut taava pattatumik atorneqarsinnaasumik peqanngippat pattagissamik nipilersuutinik immiussanik atusoqassappat pissutsinik allanik arlalinnik arajutsinaveersaagassanik peqarpoq.

Biskoppeqarfik ilisimatitsisimavoq naalagiartitsinermi ilagiinnilu iliuutsinik palasi/ajoqi/atuaasartorluunniit isaatitsinermi aniatitsinermilu kiisalu tussiutinik tussiarnermi nipilersuutit nipilersuutiginissaasa isumaginissaannut piffissaqanngitsut. Aammattaaq kukkuffiusussaanngitsuni assersuutigalugu ilisinerni pisuni teknikkut ilungersunartut takkussinnaallutik. Pisuni taakkunani qimataasunut kiisalu palasimut/ajoqimut/atuaasumut akornutaasinnaapput. Nipilersuut aallartinngippat palasip/ajoqip/atuaasup akisussaanissaa tulluanngitsutut biskoppeqarfik isumaqarpoq, tassa palasip/ajoqip/atuaasartup naalagiarnermi ileqqorisasanut tunngasut akisussaaffigimmagit.

Tamatuma saniatigut biskoppeqarfik oqarpoq ilagiit eqeersimaartut ilagiinnit eqeersimaartunit sullinneqarnissaat biskoppeqarfiup takorusunnerummag, taamaalillunilu elektronikimik immaqa atorsinnaanngitsumik atuerusuppalaaarnani.

Tussiutinik pattagiarsorermik immiunneqarsimasumik ingiorteqarnerup atorneqarnera periarfissaavoq isumaliutigineqarsinnaasoq. Suliniutilli taama ittut aallartitsinnagit Ilagiit qanimut suleqatigalugit eqqartorneqassapput.

6. Naggataarutaasumik oqaaseqaatit innersuussutillu

Nassuaat manna aallaavigalugu Naalakkersuisunit maluginiarneqarpoq ilungersunartut arlallit akissarsianut tunngasunut aamma suliffimmut soqutiginninnerup appariartorneranut nalinginnaasumik tunngasuusut. Tassunga Naalakkersuisut naliliinerat tassaavoq ajornartorsiu taanna, pattattut peqatigiiffiata sulisup saniatigut, nutaamik eqqarsarnissamik pisariaqartitsisoqartoq, tamannalu pattattut aamma llagiiit akornanni suleqatigiinnikkut isumagineqarpat pitsaanerussasoq. Naalakkersuisulli maluginiarpaat pattattut peqatigiiffiat ingerlagunanngitsoq, taamaattumillu inassutigalugu pattattut peqatigiiffimi aaqqissutissasut Biskoppeqarfimmit nalinginnaasumik oqallinnernik isumaginnissinnaasut, kisianni aamma isumaqatigiissutinik isumaqatigiinniarnerni pattattut sinnerlugit isumaqatigiinniarnerinnaasut.

Pattattunik amigaateqarneq appartinniarlugu immikkut ittunik arlalinnik suliniuteqartoqaraluartoq pattattutut sulinermut soqutiginninneq appariartorpoq, tamannalu nunani allani aamma taamaalluni. Sverigemi aamma Danmarkimi nunani oqaluffiit piffissami qaninnerusumi pattattut arlalissuit soraarninngornissaannik tatisimaneqarput. Sverigemi ilagiinniit qulaajaanermi 2021-mi paasineqarpoq 2030-mi pattattut aamma kantonit 700-it missaaniittut amigaatigineqalissasut. Tamatumunnga pissutaavoq ukiut tulliuttut iluanni soraarninngortussat arlalissuit naatsorsuutigineqarneri, pattattutullu ilinniagaqarnissamut soqutiginninneq appariartorluni. Sverigemi ilagiit taamaattumik iliuuseqarnissamut pilersaarummik saqqummiussippu, taallugu "Pattattut siuttuutilugit". Iliuuseqarnissamut pilersaarummi suliniutit pingasut ineriantornermi mumititseqataassasut erseqqissaatigineqarput:

- Qulingiluanik ukiullit tamarmik pattagiarnermik misigisaqarnissamut qaaqquneqassapput.
- Oqaluffimmi nipilsortartut tamarmik agguaqatigiissillugu ataatsimik pattattutut ilinniartoqassapput.
- Palaseqarfiit tamarmik pattagissami periarfissat takutinniarluginn ptagissamik ingerlatsinermut qaaqqusisariaqarput.

Danmarkimi aamma soraarninngortussat aamma suliffiup iluani soqutiginninnerup appariartorneranut atasumik annertuumik ernumasoqarpoq, pissutsillu llagiinnut inuiaqatigiinnullu annertuumik ilungersunartuullutik.

Pattattunik amigaateqarneq taamaattumik Kalaallit Nunaanni kisimi atuulluni ajornartorsiutaanngilaq, taamaattumillu llagiinnut pitsaassalluni suliniutinik allanik misilitakkat kiisalu siunissami suliniutinik sunik eqqarsaateqarnersut tusarniarluginn nunanut allanut saaffiginnippata.

Innersuussutit

Naalakkersuisut nassuaat manna tunuliaqutaralugu imatut innersuussuteqassapput:

- Pattattut peqatigiiffitsik aallarteqqissagaat, taamaalillutik Biskoppeqarfimmik aamma isumaqatigiisummik isumaqatigiinniarnerni oqallinnerni nukittunerulersinnaallutik.
- Ilagiit nunanik allanik taamaaqataanik ilungersuuteqartunik isumassiorlutilu misilitakkani paasiniassasut.
- Ilagiit pattattut peqatigiiffiat peqatigalugu illoqarfinni/nunaqarfinni pisariaqartitsinerup qanoq aaqqiiffiginissaanut siunissamut ungasinnerusumik periusiussasut. Ilaatigut uku ilanngullugit:
 - Pattattutut ilinniartitaanermi ilungersunartut pillugit oqaloqateqarnerit, ilinniartitaanerit allat assigalugit ullutsinnut naleqqunnerulersillugit pisariaqartitanullu aalajangersimasunut tulluarsarlugit.
 - Ilagiit ilinniartitaanerup aallartinnissaa sioqqullugu nuutinik ilinniarnermi atuartitsineq pillugu sumiiffinni nuutinik ilisimasaqartunik sapinngisamik isumaqatigiissuteqassasut.
- Pattattutut tunngaviusumik pikkorissarnerit/immikkut pikkorissarnerit naammassineqarnissaannut Kontomut pingarnermut 40.92.14 Ajoqitut pattattutullu ilinniartitaanermut immikkut aningaasanik ilasioqassasoq.

Ilagiit nunap inuisa ilarujussuinut annertuumik pingaaruteqarput, tassa nalliuttorsiornerni, piffissami ilungersunartuni ulluinnarnilu inuiaqatigiinnut patajaatsumik ikorfartuisumma. Naalakkersuisut taamaattumik aamma soqutigisaraat ilinniartitaanerup akissarsiatigullu pissutsit tulluartuunerisa ullutsinnullu naleqquttuunerisa qulakkeerneqarnissaat. Naalakkersuisut qulaani innersuussutit tunuliaqutaralugit naalagiarnerit ilagiinnilu iliuuserisat aamma siunissami pattagissamit ingiorteqarnissaasa qanoq pitsaanerpaamik qulakkeerneqarnissaat pillugu Ilagiinnit oqaloqatiginnikkusupput.